



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

In festo SS. Petri & Pauli Apostolorum. De Eunagelio festi Matth. 16. vide
4. part. med. hebd. 18. post Trinitatem, medit. 4. De Confessione Petri.

[urn:nbn:de:hbz:466:1-60091](#)

29.Iun. In festo SS. Petri & Pauli Apo-
stolorum.

De Euangelio festi Matth. 16. vide 4^v
part. med. hebdom. 18. post Trinitatem, medit.
4. De Confessione Petri.

De vita S. Petri Principis Apo-
stolorum.

I. **E**xpende miram Filij Dei prouidentiam & bonitatem in B. Pe-
 tro ad tantam sublimitatem in terris,
 & tantam gloriam in cœlis euchendo:
 quem sicut ab æterno in Ecclesiæ ca-
 put & præcipuum post se fundamen-
 tum, suumque in terris vicarium, &
 in morte crucis locum elegit; ita in
 tempore necessarijs charismatis ad
 tam sublime munus rectè admini-
 strandum, brauiumque tali capite di-
 gnum promerendum ditauit, tam
 iuauiter vocauit, tam paternè instru-
 xit, exercuit, probauit, lapsum respe-
 xit, crexit, confirmauit, in omnibus
 dire-

direxit, è tot percalis eruit, ad crucis
consortium inuitauit, & animauit.
Quam merito proinde eadem diuina
bonitas & prouidentia in beato illo
Apostolo sic exaltando mirabiliter
elucens suspicienda, prædicanda, a-
menda! Admiratio & laudatio diuinæ
sapientiae & bonitatis, gratiarum a-
etio.

1. Quam feruenter B. Petrus hanc
tam obstupescendam Domini erga se
bonitatem & liberalitatem recom-
penſare ſit conatus, feruenti affiduo-
que exercitio harum ſex præcipue
virtutum: 1. Ardentissimæ fidei quam
vbiq[ue] ostendit præ cœteris discipu-
lis Christum verum Mefiam conſi-
tendo: *Tu es Christus filius Dei viui,* su- *Matt. 16.*
per aquas ambulando, ad eundem post *Matt. 14.*
resurrectionem in littore ſtantem ut
citius veniret, ſe in mare demitten- *Ioan. 21.*
do.

2. Profundissimæ humilitatis, quam
prodidit videns miram capturam pif-
eium exclamando. *Exi à me Domine,* *Ioan. 4.*
quia homo peccator sum; recusando ſibi *Luc. 5.*
a Christo lauari pedes: *Domine tu mihi* *Io. 13.*
lauas pedes; permittendo ſe à Paulo *Gal. 2.*
publicè reprehendi.

3. Iu-

3. Intensissimæ pœnitentiæ , quam
exercuit post lapsum amare flendo &
tota vita auditio Galli cantu eundem
fletum innouando.

4. Inflammatisimi amoris erga
Christum, quem ostendit, cum ab eo
rogatus Diligu me plus haec? Respondit:
Domine tu omnia scis, tu scis quia amo te.

Ioh. 2. 27 Matt. 16. Cum prædicenterem eudem passionē
suam increpauit: Absit à te Domine, non
erit tibi hoc ; Cum nocte qua captus

Matt. 25. Dominus dixit : Etsi omnes scandalizati
fuerint in te, ego nunquam scandalizabor.
5. Eximij zeli animarum, quo incen-
sus post accepturn Spiritum sanctum
primus concionari cœpit tanto feruo-
re spiritus, ut statim tria millia homi-
num ad Christum conuerterit : tot
provincias Euangelij seminandi causa
peragrauit, tot Ecclesias fundauit, ip-
sam arcem & caput omnium super-
stitutionum Romam expugnare non
formidauit.

6. Zeli pro Christo patiendi , &
Christo dilecto Magistro suo pro se
crucifixo se conformandi , quem de-
monstrauit voce & scripto omnes se-
cum ad Christi patientis vestigia se-
quenda exhortando: tot vincula, tot
flagella , tot opprobria cum gaudio
tol-

tolerando, ad mortem crucis subeundam, voluntate Christi, sibi, dum furoi Neronis suasu Christianorum cederet, obuiantis, & dicentis : *Vado Romam iterum crucifigi*, intellecta, se vltro offerendo. Zelus in his D. Petrum imitandi.

III. Quanta gloria eundem Dominus coronarit : In hac quidem vita tanta Apostolicæ sublimitatis prærogatiua, tanta Ecclesiæ Romanæ à se fundatæ firmitate, & inconcussa in vera fide constantia, tam extraordinaria tot miraculorum gratia, tam celebri eius in toto orbe memoria : In altera verò tam inæstimabilibus beatitudinis essentialis & accidentalis brauijs, tam illustribus eius virtutibus meritisque proportionatis. Congratulatio, spes, & feruor similis gloriæ simili feruore spiritus impetrandæ.

De vita S. Pauli Apostoli.

I. Expende quam abundè diuinæ pietatis viscera Deus exercuerit erga B. Paulum, quem uti ab æternitate elegit, ita in tempore assumpsit in vas electionis, in quo diuitias bonitatis & misericordiæ suæ toti mundo spectant;

Spectandas exhiberet , tam patientes
electos suos persequentem tolerando;
tam mirabiliter ad agnitionem veri-
tatis conuertendo; tam potenter & re-
pentè lupum saeuentem in agnum
mansuetum , Ecclesiæ persecutorem
in eiusdem propugnatorem , Magi-
strum erroris in Doctorem veritatis
conuertendo ; tantaque cœlestium
charismatum affluentia eundem cu-
mulando ; tam admiranda mysteria
tam miro modo ipsi in tertium cœli
rapto reuelando ; tamque peculiari
prudentia ipsi ubique in omnibus
assistendo, ut merito ea, quæ fecit, di-
xit, scripsit, tolerauit, orbis obstupel-
cat vniuersus. In infinitæ Dei benigni-
tis admiratio, laudatio, gratiarū actio.

II. Quam strenue B. Apostolus tan-
ta gratiæ sibi communicatae collabo-
ravit, idque potissimum heroicæ aspi-
duaque exercitatione hærum virtutum.

I. Summae submissionis suique despi-
cientie, quam exercuit se nouissimum

I. Cor. 15. Apostolorum & primum peccatorem

I. Tim. 1. reputando , imo nihil se esse sentien-

2. Cor. 12. do, & licet à Deo esset edocetus, nihil

lominus Euangeliū suum cum Apo-

stolis conferendo , ne forte in vanum

curreret.

2. In-

2. Intimæ gratitudinis pro gratia vocationis, quam toties extollit, alijsque agnoscendam inculcat.
3. Ardentissimi zeli animarum, qua inflammatus per tot vastissimas regiones, insulas, maria, reuelatæ sibi Euangelicæ veritatis Iudæis & gentibus prædicandæ gratia discurrit, omnibus omnia fieri non dubitauit, imò *Rom. 9.* anathema esse pro fratribus secundum carnem Iudæis optauit.
4. Tenerimi erga dulcissimum Salvatorem suum Iesum amoris, quem semper in corde, in ore, in calamo habuit, ita ut in suis Epistolis quingenies nomen eius piissime usuparit, cuius gloriæ propagandæ se totum impendit, cui se tam arctè coniunctum, & quasi agglutinatum sensit, ut dicere ausus sit: *Quis nos separabit à charitate Christi?* *Rom. 8.*
5. Insatiabilis desiderij amore dilecti sui durissima quæque patiendi, seque eidem amore sui tam dira, tam indigna patienti conformandi: vnde excludat: *Absit mihi gloriari nisi in cruce Domini nostri Iesu Christi.* Et: *Placeo mihi in infirmitatibus, in contumelias, in necessitatibus, in persecutionibus, in angustiis pro Christo.* Zelus has virtutes imitandi.

III. Quam

934

Meditationum

III. Quam copiosè Deus tot eius
pro gloria sua suscep^ttos labores, tole-
ratas persecutions, calumnias, cru-
ciatus remunerarit; in præsenti vita
tanta abundantia consolationum, tam
felice conuersione tot gentium, tanta
celebritate miraculorum; In futura
verò corona iustitiae pretiosissima, de
qua ipse confidenter ait: *in reliquo ri-
posita est mihi corona iustitiae, quam reddet
mihi Dominus in illa die iustus index. lo-*
*super & aureola Martyrij, & Docto-
ratus, incredibili gaudio, de gloria tol-
millum hominum olim per eius pre-
dicationem conuersorum, & ad finem
usque mundi per Epistolarum eius
lectionem saluandorum. Congratula-
tio, zelus pro corona iustitiae legitimè
certandi.*

2. Tim. 4.
2. July.
Nota, de his virtutibus SS. Petri &
Pauli breuiter indicatis posse per clauam
plures in istui meditationes; iuxta medium
in vita S. Andrea supra declaratum.

In festo Visitationis B. Mariae Vir-
ginis. vide 1. par. hebdom. 4. aduentus medi-